

Ipak, postoje predmeti u kojim postoji veća mogućnost za zaključivanje sudske nagodbe:

- predmeti u kojim sudija može zaključiti, na osnovu navoda tužbe i odgovora na tužbu, da ni pravni osnov, ni činjenični osnov nisu sporni,
- predmeti u kojima pravni osnov nije sporan, već je samo sporna visina iznosa ili kada je tuženi platio dio duga,
- predmeti u kojima postoji malo spornih pitanja,
- predmeti koji uključuju novčana potraživanja, naročito male vrijednosti spora,
- privredni sporovi, jer je u interesu stranaka da obnove svoj narušeni poslovni odnos,
- radni sporovi, jer zahtijevaju brzo i zadovoljavajuće rješenje koje je od značaja za cjelokupnu sredinu u kojoj je takav spor nastao,
- porodični sporovi, alimentacija, zbog osjetljivosti te vrste sporova za stranke,
- predmeti koji se odnose na potraživanje materijalne i nematerijalne štete, ako osnov nije sporan, već samo visina,
- stari predmeti - posebno oni stariji od pet, deset i više godina,
- predmeti u kojim stranke u povodu predmeta spora žele isključiti javnost,
- predmeti u kojim stranke napokon žele preuzeti kontrolu nad svojim sporom,
- predmeti u kojima se stranke ne mogu pouzdati u svoj uspjeh u sporu i žele isključiti svaki mogući rizik za njih nepovoljne sudske odluke.

VSTV BiH,
Kraljice Jelene 88,
71000 Sarajevo, BiH
Tel: +387 33 707 500,
Fax: +387 33 707 550

E-mail: vstvbih@pravosudje.ba
Web: vstv.pravosudje.ba

Ove smjernice su urađene uz finansijsku podršku Evropske unije.
Za njihov sadržaj isključivo je odgovorno Visoko sudsko i tužilačko vijeće BiH
i ne odražava nužno stavove Evropske unije



Visoko sudsko i tužilačko vijeće Bosne i Hercegovine
Visoko sudsko i tužilačko vijeće Bosne i Hercegovine
High Judicial and Prosecutorial Council of Bosnia and Herzegovina



SMJERNICE ZA ZAKLJUČENJE **SUDSKE NAGODBE** NAMIJENJENO STRANKAMA U SUDSKIM POSTUPCIMA



Projekat finansira Evropska unija

Šta je sudska nagodba?



Sudska nagodba je dobrovoljno, mirno, povjerljivo, ekonomično, brzo i sporazumno rješenje spora, koje podrazumijeva međusobni dogovor stranaka u sporu o predmetu spora.

Osnovni motiv za stranke je da završe sudski postupak nagodbom, bez daljeg vođenja spora.

Slobodom volje, stranke same odlučuju da li će prihvatiti inicijativu suda ili same predložiti zaključivanje nagodbe.

Odnos sudske nagodbe i presude?



Sud garantira valjanost, pravomoćnost i izvršnost takvog dogovora, budući da su dejstva sudske nagodbe izjednačena sa dejstvom pravomoćne sudske presude.

Zaključivanjem sporazuma i stranke i sud su pošteđeni troškova redovnog sudskog postupka, dugotrajnog vođenja sudskog postupka, pribavljanja i izvođenja dokaza, izrade žalbe na odluku te troškova eventualnog drugostepenog postupka.

Kada se nagodba može zaključiti?



Stranke mogu zaključiti nagodbu o predmetu spora tokom cijelog postupka, uključujući i prvostepeni i drugostepeni postupak. Sudska nagodba se može zaključiti u predmetima parničnog i vanparničnog postupka, naročito privrednih, ugovornih, radnih i predmeta male vrijednosti i komunalnih predmeta.

Šta mogu uraditi prije pripremnog ročišta?



U pozivu za pripremno ročište, sud će vas obavijestiti da spor možete riješiti zaključenjem sudske nagodbe i da će, na pripremnom ročištu, na pogodan način inicirati pregovore u pravcu postizanja nagodbe.

Prije pripremnog ročišta dobro proučite predmet na osnovu navoda tužbe i odgovora na tužbu i razmislite o tome šta je zaista sporno između vas i druge strane u sporu, a šta je nesporno i koje su relevantne činjenice.

Razmislite oko čega se eventualno možete dogovoriti sa drugom stranom u sporu.

Šta mogu očekivati na pripremnom ročištu?



Sudija će vas informirati o postupku i planu suđenja, kao i o mogućnosti zaključenja sudske nagodbe i njenim prednostima.

Sudija će na pripremnom ročištu nastojati postići saglasnost o tome šta je među strankama nesporno, odnosno, nastojat će utvrditi sporne činjenice, budući da su izgledi za zaključenje sudske nagodbe veći, ukoliko je manje spornih činjenica i pravnih pitanja.

U cilju doprinošenja nagodbi sud može, kada ocijeni da je to osnovano, **strankama predložiti kako da se nagode**, vodeći računa o željama stranaka, prirodi spora, odnosima među strankama i drugim okolnostima.

Dajte sudiji priliku da stvori atmosferu za mirno rješenje spora i da pokuša napraviti dva pobjednika, a ne jednog pobjednika i jednog poraženog.

Kako da vratim rješavanje spora u svoje ruke?



Pokušajte uspostaviti komunikaciju sa drugom stranom u sporu.

Razmislite da li je budućnost vašeg poslovnog ili ličnog odnosa sa drugom stranom značajnija od samog spora.

Fokusirajte se na interese, a ne na emocije.

Ukoliko sudija predloži sporazumno rješenje spora, ne shvatajte to kao pristrasnost – sudija želi da pomogne strankama u cilju rješenja spora na obostrano zadovoljstvo stranaka.

Ne vraćajte se na uzrok konflikta i na svađe – razmišljajte o budućnosti.

Suzite raspravljanje na ono što je stvarno sporno.

Sudija ne može direktno ukazati strankama na mogući izgled u sporu, jer bi to bilo suprotno načelu nepristrasnosti, ali Vi možete razmisliti o tome kakav je izgled za Vaš uspjeh u sporu.

Imajte povjerenje u Vašeg advokata, ali ne zaboravite da se radi o Vašem sporu i da Vi imate puno pravo da donosite odluke koje su u Vašem najboljem interesu.

Zapamtite – možete postići i djelimičnu nagodbu, a postupak nastaviti u dijelu koji nije obuhvaćen nagodbom.

Sudija može pomoći da formulišete nagodbu, kako bi ona bila podobna za izvršenje.

Koji predmeti su pogodni za sudska nagodbu?



Način rješavanja spora često ne zavisi od vrste samog spora, već od stava i mišljenja stranaka, njihovih punomoćnika i spremnosti da riješe spor na miran način te drugih okolnosti koje idu u prilog zaključenja nagodbe.